



Glista da controlla per l'autovalitaziun

Nivel **C1**

Lingua: _____

Questa glista da controlla po vegnir duvrada per far in'autovalitaziun (colonna 1) e per laschar valitar sias conuschientschas linguisticas dad autras personas, p.ex. da scolastAs (colonna 2). Sch'i sa tracta da conuschientschas betg anc acquistadas, duess ins inditgar l'impurtanza ch'ellas han per emprender la lingua (colonna 3 = finamiras). Las lingias vidas èn previsas per inditgar quai ch'ins sa uschiglio anc u quai ch'è impurtant per emprender sin quest nivel.

Utilisar ils suandants segns:

En las colonnas 1 e 2

En colonna 3

✓ Jau poss far quai sut circumstanzas normalas

! Quai è ina finamira per mai

✓✓ Jau poss far quai senza difficultads

!! Quai ha prioritad per mai

Sch'ins po far in crutsch tar pli che 80% dals puncts, han ins probablmain cuntanschi il nivel C1.

	Jau	ScolastA / auters	Mias finamiras
Tadlar	1	2	3
Jau poss suandar discurs e conversaziuns pli lungas, era sch'els nun èn structurads cleramain e sch'ils connexs nun èn exprimids explicitamain.			
Jau poss chapir in vast spectrum da modas da dir ed expressiuns dal linguatg current e percepir midadas da stil e da tun.			
Jau poss chapir infurmaziuns specificas da comunicaziuns publicas, p.ex. a la staziun u durant occurrenzas da sport			
Jau poss chapir infurmaziuns tecnicas complexas, p.ex. instrucziuns da diever u indicaziuns precisas per products u servetschs che jau conusch.			
Jau poss chapir preleziuns, discurs e rapports en il rom da mia professiun, da mia furmaziun u da mes studi, era sch'els èn complexs pertutgant il cuntegn e la lingua.			
Jau poss chapir in film senza pli grondas difficultads, era sch'i vegn dicurri in linguatg da mintgadi plitost salop cun bleras expressiuns idiomaticas.			
Leger	1	2	3
Jau poss chapir e resumar a bucca texts pretensius d'ina tscherta lunghezza.			
Jau poss leger rapports detagliads, analisas e commentaris, en ils quals vegnan preschentads connexs, opiniuns e puntgs da vista.			
Jau poss chapir infurmaziuns, ideas ed opiniuns da texts autamain spezialisads da mes champ d'activitad (p.ex. rapports da perscrutaziun).			
Jau poss chapir instrucziuns ed indicaziuns complexas d'ina tscherta lunghezza, p.ex. per il diever d'in nov apparat, era sche quellas na stattan en relaziun cun mes champ da spezialisaziun u d'interess, premess che jau hai avunda temp per las leger.			
Jau poss chapir correspundenza da tut gener cun consultar mintgant il vocabulari.			
Jau poss leger currentamain texts litterars.			
En in text litterar poss jau abstrahar da l'istorgia raquintada e chapir messadis, ideas e connexs implicits.			
Jau poss reconuscher il context social, politic u istoric d'in'ovra litterara.			
Participar ad ina conversaziun	1	2	3
Jau poss participar era a discussiuns animadas tranter personas da lingua materna.			
Jau poss discurren a moda currenta, correcta ed efficazia davart in fitg vast spectrum da temas generals, professionals u scientifics.			
Jau poss duvra la lingua a moda efficazia e flexibla en il contact cun auters, era per exprimer sentiments, far allusiuns u spass.			
Jau poss exprimer mias ideas ed opiniuns cun formulaziuns precisas e cleras, argumentar en moda persvadenta e reagir effizientamain sin argumentaziuns complexas d'auters.			



Glista da controlla per l'autovalitaziun

Nivel **C1**

Lingua: _____

 Discurrer en moda coerenta	1	2	3
Jau poss preschentar fatgs complexs a moda clera e detagliada.			
Jau poss resumar a bucca texts lungs e pretensius.			
Jau poss rapportar u preschentar insatge en moda detagliada, colliar puncts tematics, far ressortir singuls aspects e concluder mia contribuziun adequatamain.			
Jau poss far in referat bain structurà en mes champ da spezialisaziun e d'interess, m'allontanar sche necessari dal text preparà e responder spontanamain a dumondas dals auditurs.			
Strategias	1	2	3
Jau poss utilisar diversas expressiuns adattadas per introducir currentamain mias expectoraziuns, cur che jau prend il pled u cur che jau vi gudagnar temp per ponderar e tegnair il pled.			
Jau poss colliar cun inschign mia atgna contribuziun cun quella d'in interlocutur / d'ina interlocutura.			
Jau poss remplazzar in pled che na ma vegn gist endament, tras in'expressiun sumeglianta, senza che quai disturba.			
Qualitad / Meds linguistics	1	2	3
Jau poss m'exprimer a moda spontana e currenta quasi senza fadia; sulettamain in tema abstract e difficil po impedir il fluss natiral dals plects.			
Jau poss m'exprimer en moda clera, fitg currenta e bain structurada ed jau dispon dals meds per preschentar quai che jau less dir uschia ch'i dat in text coerent dal puntg da vista dal cuntegn e da la lingua.			
Jau dispon d'in grond stgazi da plects che ma permetta da duvrar circumscripziuns, en cas che tscherts plects ma mancan; i capita darar che jau stoss tschertgar evidentamain in pled u na poss dir precis quai che jau less.			
Jau poss mantegnair in aut nivel da correctadad grammaticala; sbagls èn rars e na dattan strusch en egl.			
 Scriver	1	2	3
Jau poss m'exprimer en moda clera e bain legibla davart ils pli differents temas generals u professionals.			
Jau poss preschentar, p.ex. en in concept u en in rapport da lavur, in tema complex en moda clera e bain structurada e far ressortir ils puncts ils pli impurtants.			
Jau poss preschentar – en in commentari davart in tema u in eveniment – divers puntgs da vista, accentuar las ideas principalas ed illustrar mia argumentaziun cun exempels detagliads.			
Jau poss rimnar infurmaziuns da differentas funtaunas e las resumar per scrit en moda coerenta.			
Jau poss descriver detagliadamain experientschas, sentiments ed eveniments en brevs personalas.			
Jau poss scriver brevs formalmain correctas, p.ex. per reclamar u per prender posiziun pro u contra ina chausa.			
Jau poss scriver texts quasi corrects ed adattar il vocabulari ed il stil a l'adressat / a, al gener da text u al tema.			
Jau poss eleger en mes texts scrits il stil che cunvegn mintgamai il meglier al lectur / a la lectura.			